

玉海



040  
1000:61  
34869

玉海卷第一百五十八

浚儀王應麟伯厚甫

官室

官四

唐興慶宮

南內

勤政樓

花萼樓

附詳見樓類

興慶宮本明皇舊第也開元二年七月宋王成器等

請獻興慶坊宅爲離宮甲寅制許之故作興慶宮

舊史

開元元年二月以隆慶舊邸爲興慶宮在隆慶坊元宗名隆基卽位改興慶宮紀作二年九月庚寅會要作二年七月二十九日志作開元初傳作先九月天後通監作開元二年七月甲寅年月不同

庚寅有詔興役

地理志興慶宮在皇城東南距京

城之東開元初置至十四年又增廣之謂之南內二

十年六月築夾城入芙蓉園

一本云自大明宮夾城複道經通化門以達此宮往

來兩宮而人不知之道卽六典所謂磴道

道替通也

交城複會要初上在藩邸

與宋王成器等同居于興慶里人號曰五王宅至景

龍末邸內有龍池湧出日以浸廣望氣者云有天子

氣中宗數幸其地命泛舟以駝象踏氣以厭之至是

爲官焉後於西南置樓南題曰勤政務本之樓西題

曰花萼相輝之樓

張九齡撰龍池頌刊石興慶宮

遜皇帝傳初睿

宗五子列第東都積善坊號爲五王子宅及賜第上

都隆慶坊亦號五王宅

舊紀聖曆元年元宗出閣賜第於東都積善坊大足元年

從幸西京賜宅於興慶坊元宗爲太子嘗製大衾長枕與諸王共

之睿宗知喜甚及先天後盡以隆慶坊舊邸爲興慶

宮而賜寧王及薛王第於勝業坊申岐二王於安興

坊環列宮側天子於宮西南置樓其西曰花萼相輝

之樓六典曰取詩人棠棣之義南曰勤政務本之樓帝時登之聞

諸王作樂必亟召升樓與同榻坐或就幸第賦詩宴

嬉賜金帛侑歡諸王五日朝側門世謂天子友悌古

無有者開元二十五年元宗戒諸王曰吾自奉先帝宮室不敢有加時加補葺已愧於勞人矣惟

興慶創制乃朝廷百辟卿士以吾舊邸因欲修建不免羣卿考室之辭是俟庶人子來之請亦所以表休

證之地新作南樓本欲察時俗採風謠以防壅塞是亦若闢四門達四聰之意時有宴樂不徒然也又因

康  
熙  
三  
十  
六  
年  
刊

夫哥遜朱邸以成花萼相輝之美歷觀自古聖帝明  
主有所興作欲以助教化也吾所與者式崇順睦漸  
漬薄俗令其人信厚爾  
**六典興慶宮**在皇城之東南東距外

**郭城東垣**

即今上龍潛舊宅也開元初以為離宮十  
四年又取永嘉勝業坊之半以置朝自大

明官東夾羅城經通  
化門磴道潛通焉

**宮之西曰興慶門其內曰興慶**

**殿**

即正衙殿  
有龍池殿

**次南曰金明門門內之北曰大同門其**

**內曰大同殿官南曰通陽門北入曰明光門其內曰**

**龍堂通陽之西曰花萼樓**

樓西即寧王第取  
詩人棠棣之義

**樓西曰**

**明義門其內曰長慶殿官北曰濯龍門其內左曰芳**

**苑門右曰麗苑門南走龍池曰瀛洲門內曰南薰殿**

**瀛洲之左曰仙雲門北曰新射殿**

又有同光承雲初  
陽飛軒主華等門

飛仙交泰同光榮光等殿所居宅之東有舊井忽  
涌爲小池至景龍中爲龍池焉蓋符命之先也

開元十六年正月十三日

一云戊戌朔舊  
云正月庚子

始移仗於

興慶宮聽政十九年正月丙子耕于興慶宮二十年

六月廣花萼相輝樓築城至芙蓉園天載四載突厥

毗伽可汗妻骨咄祿婁匄可敦率衆自歸天子爲御

花萼樓宴羣臣賦詩以美其事七載五月壬午上御

興慶宮受冊徽號十載四月二十一日興慶宮造交

泰殿成十一載癸華陰扶風馮翊三郡工匠及京城

人夫萬三千五百人築興慶宮城四十日畢十三載

五月壬戌觀酺于勤政樓北廷都護程千里俘阿布

思以獻十月一日御勤政樓四科舉人問策外更試  
詩賦各一道制舉試詩賦自此始肅宗至德二載十  
二月丁未上皇至自蜀郡居于興慶宮乾元二年十  
一月丁亥冬至朝聖皇于興慶宮翌日受朝合元德  
宗正元十三年四月壬戌雩于興慶宮順宗永正元  
年八月辛丑太上皇居興慶宮二年正月景戌朔太  
上皇於興慶宮受朝賀皇帝率百僚奉上尊號一本云永  
正二年正月丙子朔一云丙寅奉册册文曰功成不處褰裳去之付神  
器於冲人想汾陽以高蹈體堯之德與神同符其動  
也天其靜也地文見實錄憲宗元和三年十月修南內宮

卷下四年二月修勤政樓文宗大和元年五月丙寅  
遊興慶宮上壽十一月甲申南至百僚詣興慶宮及  
先順門行朝賀之禮四年四月有司貢新瓜獻興慶  
宮奉太皇太后及皇太后分賜十宅諸王已下十一  
月己亥南至謁興慶宮五年正月庚子朔朝賀太皇  
太皇于興慶宮 禮樂志元宗嘗以馬舞傾盃數十  
曲每千秋節舞于勤政樓下後賜宴設脯亦會勤政  
樓其日太常卿引雅樂間以胡夷之伎擊雷鼓奏小  
破陣樂歲以為常 于休烈傳肅宗時經火盜後史  
籍燬毀休烈奏國史開元實錄起居注及餘書三千



六百餘篇藏興慶宮兵興焚煬皆盡請下御史覈史館所由求之府縣有能得者許上送官一書進官一資一篇納十足數月止獲得一二篇惟晝述以家藏國史百三十篇上獻李輔國傳肅宗時太上皇居興慶宮帝自複道來起居太上皇亦間至大明宮或相逢道中太上皇每置酒長慶樓南俯大道裴回觀覽或父老過之拜舞而去王難得傳憲宗朝太后

南宮

憲宗郭后傳穆宗嗣位后移御興慶宮凡朔

三朝宗

率百官詣宮中為壽或歲時慶問宴養後

宮戚里內外命婦車騎駢壅環佩之聲滿宮

唐龍池宮

地理志 河中府安邑縣開元八年置龍池宮

唐啟聖宮 飛龍宮 瑞閣 述聖頌

元宗紀 開元十一年正月己巳如并州庚辰十四日次

潞州赦囚給復五年以故第爲飛龍宮後又更名啟聖

地理志

潞州上黨縣有啟聖宮本飛龍宮元宗故第開

元十一年置後又更名有瑞閣會要作十二年正月十四日改潞州舊宅

爲飛龍宮 舊紀 開元二十年十月辛卯至潞州之飛龍

宮曲赦 張說上黨舊宮述聖頌開元十一祀正月

皇帝展義于河東留宴上黨三月庚午飲至長安於

是邠王臣守禮開府儀同三司臣璟等抗疏僉曰潞

人懷代邸詠泗亭將表潛龍之館勒啟聖之圖陛下

昔居是州也紫雲在天神光照室白鹿來擾黃龍上

升隴出僊洞而神魚躍山開禪宍而靈鍾韻謠言合

識巨跡引途嘉李傍連祥著自起云云昔龍負圖而

大舜登狼銜鉤而后殷昌元圭錫於夏禹赤伏歸於

漢光應運協符希代稱寶未有窮祥極瑞倣儻瓌異

如今之至者願聽潞人以揚丕烈又曰豐沛著啓作之美穰鄧有建都

之榮張說集有御製次舊居詩序云向金石錄

駕驅馬而朝京師今乘六龍而問風俗上黨啟聖宮頌明皇撰八分書天寶十二載二月金

又有上黨宮  
後翠山故老詩

唐溫泉宮 華清宮

元宗紀開元十一年十月丁酉幸溫泉湯作溫泉宮自  
開元十五年十二月乙亥至天寶十四載十月庚寅  
幸華清溫泉宮凡二十八率歲一幸或一歲再幸

地理志京兆府昭應縣有宮在驪山下唐觀十八年

置咸亨二年始名溫泉宮天寶三年更驪山曰華昌

山三載以新豐去宮遠折新豐萬年置會昌縣六載

十月更溫泉曰華清宮華清宮在驪山溫泉山取魏

宮有湯井為池環山列宮室又築羅城置

萬曆十六年

百司及十宅

十二月壬戌十月三日改華清之名

會要元年

七載省新豐

更會昌縣及山曰昭應

會要天寶元年十月造長

生殿名爲集靈臺以祀神七載十二月二日混元皇

帝降于朝元閣改爲降聖閣八載四月新作觀風樓

在宮外東北隅

六載十二月二十一日發馮翊華陰民築會

昌羅城於湯所置百司

列傳房琯天寶五年爲給

事中時元宗有逸志數巡幸廣溫泉爲華清宮環宮

置百司區舍以瑄資機筭詔總經度驪山疏巖剔藪

以爲天下游觀

陳元禮元宗在華清宮正月望夜

將出游元禮諫曰陛下必出遊願歸城闕帝不能奪

楊妃每十月帝幸華清宮五宅車騎皆從家別爲  
陳隊一色俄五家隊合爛若萬花川谷成錦繡遺鈿  
墮舄狼藉于道香聞數十里 楊國忠元宗常歲十  
月幸華清宮春乃還必徧諸楊五家 韋陟守河東  
天寶十二載入考華清宮 柳子華代宗將幸華清  
宮先命整葺以子華爲昭應令修宮使 舊紀天寶

九載正月庚寅朔

一云辛卯

與歲次同始受朝於華清宮

十二載正月丁酉朔御華清宮之觀風樓受朝賀

穆宗紀長慶二年十一月庚午皇太后幸華清宮

韓休有駕幸華清賦

李程有華清宮望幸賦云閣

有朝元殿有長生。温湯在臨潼縣南一百五十步

麗山西北。十道志曰。正觀十八年。詔閭立德建温泉

宮。太宗臨幸製碑。咸亨三年。名温泉宮。唐年小錄曰開元十年置

實錄與元和志曰開元十一年置。温泉監一人掌湯池

### 唐望春宮

地理志京兆萬年縣有望春宮臨滻水西岸有北望

春宮宮東有廣運潭。會要開元二十六年正月六

日修望春宮。舊紀太和七年十二月庚子幸望春

宮。姚南仲傳代宗時上疏曰王者必據高明燭幽

隱先皇所以因龍首而建望春也。李景遜賦青門

之左層谷嶙峋標上苑而獨出儼復道而明望南山  
之翠色盈前渭水之素光在下西京記西京禁苑  
內有望春宮在高原之上東臨灊澗今上曾登北亭  
賦春臺詠朝士奉和凡數百

### 唐遊龍宮

地理志京兆渭南西十里有遊龍宮開元二十五年  
更置東十五里有隋崇業宮元和志同

### 唐昇仙宮

元宗紀天寶二年正月乙卯作昇仙宮

### 唐三宮



杜暹傳開元中帝幸東都以暹爲京留守暹率當番

衛士繕三官城浚池督役不少懈帝聞嘉之數賜書

褒勞

一本云因抽當番衛士繕修三官增浚城隍上賜書曰城隍官室隨事修營且有成功不疲人

力甚慰朕懷

蕭太后傳太和中懿安郭皇后居興慶宮

寶曆王太后

穆宗

居義安殿后居大內

蕭后文宗母也

號三官

太后帝五日問安三官有司獻四時新物送三官亦

稱賜帝曰上三官何可言賜遽索筆減賜爲奉

一本云文

宗始卽位內園進櫻桃將以賜三官太后帝曰焉可以爲賜援筆易曰奉

開成中

四年正月

望夜

丁卯

帝御咸泰殿大然燈作樂迎三官太后奉觴

上壽

郭太后傳移御興慶宮凡朔望三朝帝率百官詣宮門爲壽

武宗時徒積慶

殿又號積慶太后

唐咸宜宮

蘇頲傳

元宗游咸宜宮羽獵

開元十五年

唐望賢宮

地理志

京兆咸陽縣有望賢宮

舊紀

至德二載十

二月丙午上皇至自蜀上至望賢宮奉迎上皇御宮

南樓上望樓辟易下馬趨進樓前再拜蹈舞稱慶丁

未居興慶宮

藝文志藝術類有楊昇畫望賢宮圖

一卷

唐靈武受命宮

肅宗 楊炎作頌序曰靈武宮皇帝躍龍之所丁卯  
廣平王俶等排闥以訴曰陛下涉渭則洪流涸迴鑿  
則慶雲見布澤而川池廣勤道而嘉禾生帝乃灑齋  
宮啓金匱大赦改元曰至德是日黃龍見於東野紫  
氣滿於天門以一旅成百萬之師率胡夷平社稷之  
難是以白鹿擾於王庭靈芝產於延英赫赫河圖啓  
天之祐雲從億萬皇在九五盡武之善去湯之慙

王俶請築  
宮當考

**肅宗紀**

天寶十五歲七月辛酉太子至

靈武甲子即位改元至德

唐魚藻宮

又見池類

順宗紀爲皇太子嘗侍宴魚藻宮

禁苑池中有山山上建魚藻宮在大

明官北

德宗正元十二年九月癸卯十三

張水戲

年七月幸

王建詩謂池底張錦亦奢矣

綵艦官人爲權歌衆樂間發德宗歡甚顧太子曰今日何如太子誦詩好樂無荒以對 穆宗紀元和十

五年九月辛丑觀競渡角抵于魚藻宮

舊紀元和十五年

川壬辰幸魚藻宮發神策六軍二千人浚之九月辛丑大合樂於魚藻宮觀競渡

敬宗紀

寶曆元年五月庚戌二年三月戊寅五月戊寅觀競渡于魚藻宮

西京雜記漢有魚藻宮

唐官室制

百官志左校令官室之制自天子至士庶有等差

車服志文宗下詔

太和元年五月

王公之居不施重拱藻井

三品堂五間九架門三間五架五品堂五間七架門  
三間兩架六品七品堂三間五架庶人四架而門皆  
一間兩架常參官施垂魚對鳳瓦獸通楸乳梁

建隆洛陽官殿圖 東京太內 大寧宮

東京大內據闕城之西北宮城周回五里

即唐宣武節度使治

所梁以爲建昌宮後唐復爲宣武軍治晉爲太寧宮  
國朝建隆三年五月詔廣皇城命有司畫洛陽官殿  
按圖而修之自南三門曰宣德左掖右掖東一門曰  
是皇居壯麗矣

東華西曰西華北曰拱宸宣德門內南門曰大慶正

曰大慶次北文德殿門次文德殿殿東南隅有鼓  
操漏室西南鐘樓殿次北門曰左右銀臺西紫宸殿  
之前視朝次西垂拱殿其後福靈殿次後柔儀殿欽明  
殿以其西睿思殿福寧殿東慶壽宮慶壽宮德二殿福  
寧殿西寶慈宮寶慈宮徽二殿福寧殿後坤寧殿凡  
禁中殿閣有嘉慶殿觀文殿延真門積慶殿感真閣  
福聖殿壽寧堂慶雲殿玉京殿清景殿西涼殿慈德  
殿景寧殿垂拱殿門次西皇儀殿次西集英殿殿後  
霽雲殿鞞玉東有昇平樓舊曰紫雲廊北龍圖閣閣東序  
資政崇和殿西序宣德述古二殿其北天章閣閣

東西序羣玉藻珠二殿次北寶文閣閣東西序嘉德  
延康二殿東華門外西北廊元符觀有護門門內南  
廊慶寧宮西華門內延福宮穆清靈顧性智三殿次  
北廣聖宮宣祐門內東廊次北資善堂講筵所西廊  
北崇政殿殿東西延義邇英二閣閣後隆儒殿次  
北景福殿殿南延和殿殿西北迎陽門門內後苑有  
太清樓延春閣儀鳳翔鸞二閣宜聖殿嘉瑞宣明安  
福寶岐化成金華清心流杯清輝親稼殿華景翠芳  
萬壽津亭象瀛山池 建隆三年正月甲戌發開封  
儀民數十廣皇城之東北隅命義成節度韓重贇

董役四年五月十四日詔重修大內以李懷義趙仁  
遂護役二十四日明德門成學士陶穀撰碑

### 乾德修官闕

建隆三年正月十五日廣皇城東北五月大修官闕

乾德元年

卽建隆四年

五月十四日復增修官闕

長編五月乙丑

命李懷義等增修官闕

當從長編月日凡規爲制度並上指授旣成

四日明德門成

坐寢殿中令洞開諸門皆端直通豁謂左右

曰此如我心少有邪曲人皆見之直史館梁周翰爲  
五鳳樓賦以進其辭曰伊京師之權輿也遐哉邈乎  
驗河圖之象按輿地之書宅禹貢豫州之域距天文



辰馬之墟因四履建侯之地爲六代興王之居城浚  
而都河泝而渠結坤之絡振乾之樞星堯櫛堵我民  
之廬海漕山膾我田之租勢雄跨胡氣王吞吳茫茫  
萬國魚貫而趨惟聖皇之受命應期運而握符光潛  
躍於龍德踐元亨於帝衢道德何師尊盧赫胥揖遜  
何比陶唐有虞英畧神武威憚八區長鯨盡剝封豕  
必誅虎皮包刃鶴板搜儒墜典皆索闕政咸鋪成天  
下之大務若雷奮而風驅乃顧京室時行聖謨陋宸  
極之非制稽紫垣之舊圖且曰不壯不麗豈傳萬世  
禹之卑官蓋勿暇之計堯之茅茨非經久之制矧象

魏之縣法伊億兆之所視况我力如天我貲如地不  
漁爾民不牟爾利一毫之費差足爲易乃詔共工度  
景之中因舊謀新庀徒僦功臺卑若豐棟易而隆椽  
斲而龔去地百丈在天半空五鳳翹翼若鵬運風雙  
龍蟠首若鼉戴宮丹楯霞繞神光何融朱楹虹植晴  
文始烘繡楣焜耀彫栱玲瓏椒壁塗赭綺窻暈紅雙  
闕偶立突然如峯平見千里深映九重奔星墜而交  
觸靈景互而相逢門呀洞缺若天之裂縱舉百武橫  
駕六轍金鋪爍人光景明滅舞陽之力莫得而排叔  
梁之力胡可以抉其下則冠蓋蕨蕤劔佩陸離車如

流水待漏而馳駕肩排踵兼蠻渾夷萬衆紛錯魚龍  
尊卑咸去來之由此競奔湊於玉墀亶皇風之無外  
豈朝盈之有時三事庶尹乃拜表蕭牆謁帝未央以  
落大壯登謨永昌曰元聖明兮帝道昌威四海兮君  
萬方時高闕兮冠百常赫宋德兮垂無疆瞻天顏兮  
獻壽觴願君王兮長樂康帝曰俞哉爾觴且置當聽  
朕言庶曉朕意頃於戎馬之暇詳窺歷代之紀乃知  
乎夏德之衰璇室自庇商政之壞傾官大侈楚王章  
華一身何寄秦皇阿房三世而棄漢武柏梁孽火隨  
熾陳后三閣義師尋至豈非乎禍生於漸欲起於恣

亦如崇飲不已必至昏醉嗜色不已必至乏瘁遷怒  
不已必絕人祀窮兵不已必暴人齒甘諛不已必杜  
忠義溺讒不已必斥賢智亡國之君未嘗不爾朕皆  
知之得以趨避淫於土木雅不如是美其成功良以  
爲愧不舉君觴恐驕朕志其大者天地所重者神器  
毘虎足冰終日惴惴當共重之勿使顛墜謹謝公卿  
無忘納誨羣臣乃退咸呼萬歲

長編開寶元年正

月乙巳大內營繕畢賜諸門名令洞開諸門

開寶修洛陽官室 西京大內

開寶八年十月十九日

通畧作  
丁巳

將議巡幸遣王仁桂

李仁祚焦繼勳同修洛陽宮室明年三月辛巳帝至

洛觀其壯麗甲申繼勳等並進秩四月庚子郊丙午

發西京辛亥至東京

太祖生於洛陽樂其土風嘗有遷都之意

會要西

京大內據京城之西北宮城

舊名紫微城

周回九里三百

步南面三門南曰五鳳樓東曰興教西曰光政東一

門曰蒼龍西門曰金虎北門曰拱宸正殿曰大極殿

殿前有左右龍尾道日樓月樓次天興殿後有殿閣

太極殿門之西面南曰應天門北乾元門次北敷政

門次北文明殿次垂拱殿建禮門之西曰廣壽殿甘

北明德殿其次天和殿其次崇徽殿明福門內曰天

福殿其次太清樓其次思政殿延春殿北曰武德殿

明福門之西曰金鑾殿

唐曰太極

其次壽昌殿玉華甘露

長壽乾陽嘉興殿金鑾之西曰含光殿殿東廊後有

紫雲樓樓前射殿南有講武殿殿後有後殿後苑內

有長春殿東官在蒼龍門之西官後有飛龍院西有

散甲殿

景德二年八月修西京大內以將朝陵故

也四年二月命崇文院詳定殿名已巳次西京三月

已亥至自西京熙寧四年二月十一日復詔修之政

和三年十二月亦詔修大內

元豐七年七月四日河南守韓絳請修長春殿

等

太祖幸西京有留都之意李符陳八難不從李

懷忠進說晉王切諫帝悟即日還京上曰吾將西遷者欲據山河之勝而去冗兵循周漢故事

### 開寶歷代官殿名

書目一卷開寶中翰林學士李昉承詔以前代官殿池苑臺觀門闕名號見於載籍者集爲一篇上之古者天子之居總言官其別名皆曰堂明堂是也詩言自堂徂基體言天子之堂初未有稱殿者秦紀言作阿房甘泉前殿疑起於秦時

### 咸平萬安宮

咸平二年閏二月丁亥宰臣張齊賢等言漢制帝母

稱長樂宮。唐穆宗郭太后居興慶宮。敬宗王太后居

義安宮。文宗蕭太后居積慶宮。今請命有司爲皇太

后

李

建宮立名。

紀云。上宮。

詔以萬年宮爲名。遂以滋

福殿爲宮。祥符二年。

宮爲滋福殿。

章惠楊后

名保慶宮。景祐元年九月。

子詔。四年改慈德殿。

建隆元年二月上太后尊號。詔曰。王者立顯親之殿。所以尊母儀。開長樂之宮。所以伸子道。

### 天聖長寧宮

地理志

天聖三年。延福宮北建長寧宮。內有太清玉

清。中和集。福會祥玉殿。降真閣。景祐二年。改長寧宮。



王治卷之三十一  
楊育 二百二十七  
曰廣聖降真閣曰崇真

景祐廣聖宮

二年正月己酉改長寧宮爲廣聖宮宮在禁中

在利天門

之前殿有道家天神

三清玉皇

之像後起觀閣

降真閣

奉真

宗神御占宮城西北隅

天聖二年建

皇祐元年八月丁

亥召近臣宗室臺諫廣聖宮朝拜真宗神御殿以殿新成也

景祐延福宮

二年二月戊午御延福宮閣樂器政和二年十一月二十二日宴輔臣三年九月朔幸賜宴宣和七年三

月十七日宴羣臣于延福宮之睿議殿 宮在承天

門北有穆清殿平會堂睿議殿和真玉羣玉七殿

地理

志延福宮有穆清殿

### 嘉祐潛龍宮

嘉祐四年 月修潛龍宮真宗爲開封尹時廨舍也

### 嘉祐慶寧宮

嘉祐七年十一月戊辰皇子英宗遷新位實錄七年八月庚寅一云

嘉祐八年四月十九日於內香藥庫之西偏建皇子位 嘉祐八年英宗卽位九

月庚戌以舊位名與慶宮呂誨言唐有此官名九月

十二月改名慶寧會要又云在諍門內南廊沿平二年賜名有關藏御覽書籍二月十

嘉祐二十六年刊

一曰呂公著請俟既  
郊歲豐乃修宮從之

### 治平慈壽宮

治平元年七月二十一日中書門下表言在漢之隆

實居長樂有唐之盛亦闡義安請以皇太后曹所居

爲慈壽宮殿爲慈壽殿紀實錄云五月丙辰上皇太后宮殿名曰慈壽五

月壬子詔皇太后令稱聖旨出入唯不鳴鞭他儀衛

如章獻明肅故事

### 熙寧慶壽宮 寶慈宮

熙寧元年三月十五日戊子中書門下言太皇太后

高宮殿請以慶壽爲名皇太后高宮殿以寶慈爲名

從之後慶壽宮建慶壽萃德二殿寶慈宮建寶慈妙  
徽二殿二年五月太皇太后遷居慶壽宮七月皇太  
后遷居寶慈宮

元祐崇慶宮

隆祐宮

紹聖慈德宮

聖瑞宮

元祐元年閏二月十九日丁未詔曰漢家致孝有朝  
夕供御之廷唐室承顏嚴歲時慶賀之禮逮于列聖  
咸有舊章建太皇太后高宮曰崇慶殿曰崇慶壽康  
皇太后角宮曰隆祐殿曰隆祐慈徽紹聖元年閏四  
月十八日詔改隆祐宮曰慈德宮前殿曰慈德中曰

仁明後曰壽昌二年五月以皇太妃朱宮爲聖瑞宮。  
昭懷劉后宮曰崇恩。顯肅鄭后宮曰寧德。

元祐睿成宮

元年閏二月二十一日詔神宗所居東宮爲睿成宮。  
元符元年四月幸先朝從龍宮並推恩。

元符龍德宮

三年二月辛酉徽宗詔懿親宅潛邸名龍德宮。有申  
福臻祥二殿。

政和龍德太一宮

見祠宮類

陸韶之記曰。臣竊惟皇帝陛下。修誠愆祀。祇奉上真。

登秩薦饗昭備典策乃政和八年戊戌之歲龍德大  
一宮告成宮直都城之西北隅實龍潛之舊邸也仰  
摹宸極一新祠庭前殿曰黃秘之殿次曰統元之殿  
次曰神貺之殿門曰黃秘之門高真象設次序分布  
棟宇輻輳薨桷飛鸞棲金浮翠蔚跂巒嶸遠而望之  
祥煙佳氣若與慶霄連接上下旣成鑿輿幸焉躬執  
薦告之禮祈爲蒼生致福已而敷大宥於天下又詔  
儒臣爲之記而臣淺陋得以筆札待罪辭不獲命謹  
拜手稽首而言曰紫宮深嚴天極當中其一明者太  
一常居太一蓋天地之最貴者也列宿森拱五精密

輔天一犀鋒終旗旒曉招搖左麾攝提右樞陽蒐陰  
魄下上承臨爲一爲九稱號隨異冥樞恍惚靡得測  
知而五福太一者其十種之一也運行有時數次舍  
有分野直其所臨之方則諸福往集歲穰民阜兵寇  
寢息蓋上天孚佑下土以助有天下國家者致福於  
斯民也我宋之興太宗肇建宮於東郊仁宗復立宮  
於西郊隨其遷次以昭奉事逮神考在位則又迎致  
中都即都城而立宮焉然則祖宗致福斯民之意槩  
可見矣今陛下嗣服膺統而著雍闢茂之歲太一適臨  
於乾維是歲天道多在西北元命之辰興王之地適

然契合新宮之成真莫大之慶龐禧繁祉是降是集  
天子萬年子孫千億神靈之應如此其意固可默論  
矣抑臣嘗謂乘時任數集福於聖躬者太一之福敷  
錫於天下無東西南北之異者陛下也作新館御飭  
躬修欵意在於均福生民所謂敷錫之於天天者是  
已德意所在雖不待戶曉而人皆知之顧臣爲記以  
詔萬世亦不敢畧此抑臣又嘗聞周家文武之君能  
下下以成其政於時歸美之詩曰俾爾單厚俾爾多  
益繼之言文武之事其說以謂文武不自厚而厚下  
故爲天下所厚不自益而益下故爲天下所益福祿



來歸文武固不得而辭之也今陛下承太一貺施其得  
福祿亦當如天保所賦者臣於此不能復贅其辭矣  
王俊記曰臣竊惟皇帝陛下以聰明睿智之資撫  
綏方夏湛恩厚澤春育海函若大若小罔不受賜其  
顯者固已措諸政教以福天下矣至於高真貴神敷  
佑儲祉豐衍穰簡大被於黎元者亦欲欽崇而不忘  
也比者泰一適臨乾維揆景相方聿求爽塏用伸館  
御之嚴厥有遂清吉蠲休福所萃之地是爲龍德上  
意既定有司侔圖斤工墨師勸力不怠粵政和八年  
官告成飛宇承電壁門洞開秘殿中啟次舍序列金

碧爭輝，像設具嚴肅者，感神之在，消日之吉，鑿與臨幸，儼恪肅恭，精意昭格，已而大啓黃秘，明俾都人士女，咸得肅心注目，以祈福釐，稚菴踵塗，駢肩以進，歡聲協氣，充塞穹壤，厥惟盛哉，有旨命臣為之記，臣以儒學，道迹搢紳，此筆待命，因之職也，詎敢以蕪類為辭，謚拜手稽首而言曰：惟星經具載天象，天極星其一明者，太一之常居也，太一中居，五星環拱，是為天神之尊，漢人謂天神尊者，太一，其佐曰五常，蓋得此也，初說者謂貴神有卜而尊，曰五福，遷徙有常，率四十五歲而一易，靈游所直之方，祥慶駢集，雨暘時叙。

農扈豐饗民物阜康無或疵癘由是太宗仁祖即東  
西郊建宮焉神宗迎致中都奉祠益謹三聖述作所  
以揭虔妥靈曲盡其至然建宮乾維實有待於聖時  
肆真主纂服繼猷益迭祠事郊禋廟享既肅既祗乃  
新是宮以篤宋祐春維是宮昔為龍潛之藩今為上  
真之宇昔為膺籙受圖之地今為延祥集祉之宮告  
成於戊戌實元會之歲也直都城之西北隅實照臨  
之方也神謀人事不約而同垂億萬年永集純嘏然  
臣伏觀皇帝體道觀妙與神為一為福為祉在我而  
已然則作新殊廷實奉上真凡以為民祈福者不得

不然也臣愚陋誠不能窺見聖德然嘗讀洪範曰欽時五福用敷錫厥庶民臣愚幸親見之

建炎升賜官

元年六月三日辛酉名潛邸爲升賜官

建炎隆祐宮

元年八月庚午

十二日

詔以元祐太后

孟

宮爲隆祐宮

於是更稱隆祐太后 隆祐本欽聖憲肅宮名蓋學士院失之

紹興臨安行宮

建炎三年二月十三日車駕至杭以州治爲行宮紹

興元年十一月八日命內臣楊公弼與徐康國勅行

官務簡約去華飭裁爲百楹

初欲爲三百楹上不二可所御殿才三楹

年正月十四日自越還臨安九月二十九日南門成  
名曰行宮之門九年作慈寧宮十二年作垂拱崇政  
殿十八年三月十四日各南北門曰麗正和寧二十  
四年九月建六閣二十八年六月八日增築皇城東  
南之外城五百四十一丈九月二十二日各新南門曰嘉會

時復營祥曦  
福寧等殿

乾道九年重修後殿門淳熙初作選德

殿八年秋改後殿擁舍爲延和殿

### 紹興建康行宮

建炎三年四月丁卯改江寧爲建康府五月八日駕  
至建康駐蹕神霄宮紹興三年正月命守臣趙鼎營  
建康行宮十一日鼎以圖來上命孟庾經畫五

年五月戊午命帥漕臣繕治行宮脩城壁及省部百

司倉庫具圖來上務從簡約癸亥自吳門還臨安七年四月進

幸八年二月復還臨安遂定都焉三十一年十二月

幸建康次年二月還臨安張守謂建康自六朝爲

帝王都江流險闊氣象雄偉且據要會以經理中原

依險阻以扞禦強敵可爲別都以圖恢復胡安國

建都論曰還都建康環諸路而中持衡則人心不搖

駐蹕金陵本以舊邸號稱建康降詔爲受命之符  
建炎元年五月辛卯詔脩江寧城及繕治宮室又命  
築景靈宮其後不克成

### 紹興慈寧宮

九年十月二十一日詔皇太后

顯仁

常后宮殿名慈寧三

十日畢功

其後憲聖吳后宮曰慈福成肅謝后宮曰壽慈

臣等言德之大

者必盡萬物之報以稱其禮孝之至者必得四表之  
心以寧其親天祚文武之隆世基任姒之德仰模太  
紫前考異宮宜招揭於鴻名以蒼揚於流澤臣  
中賀  
竊以東朝置衛遠存長樂之鴻名中禁承顏近著寶

慈之茂實皆以體皇居於宸極據寶勢於坤靈廣一人欽愛之風極萬世尊崇之奉載新令典允屬聖時伏惟皇帝達孝通于神明要道形于德教紹復大業對越祖宗在天之靈抑畏小心躬蹈帝王高世之行人與能而樂戴天復命以中典上推履武之祥丕啟生商之慶方且致天下之養用蚤奉於母儀成路寢之威示日嚴於子道臣等率額衆志懇款一詞爰籍合於前章極崇施於顯號叶情文而並舉煥典冊以增華輦道中通朝夕燕兩宮之奉珮環入覲時節奉萬年之觴示垂裕於無疆益儲休於有美伏請建皇



太后官殿以慈寧爲名 紹興九年后有歸耗命有  
司豫作慈寧殿于禁中遙上册寶十二年九月壬午  
回鑾十九年正月朔卽官中行慶壽禮二十九年復  
行於慈寧殿慶典自此始 十三年五月壬午臧保  
衡獻皇太后還慈寧官頌特進一官

紹興德壽宮 淳熙重華宮

先是以秦檜舊第爲新宮三十二年六月戊辰名曰  
德壽丙子太上皇帝內禪卽日駕之德壽宮

在大內  
之北望

仙橋

淳熙十五年八月五日擬進皇太后

吳官名

曰慈福十六年正月十五日丙午皇太后遷慈福宮

表云廼故六安之舊就經長樂之新

已未詔德壽宮改爲重華宮二月

壬戌內禪移御

光宗內禪以舊福寧殿爲壽康宮

初日泰安後改

而更建福寧殿御書官殿名七字五日一朝

紹熙末改重華宮爲慈福宮以舊慈福宮爲重壽

殿二太后皆徙居此後又改慈福宮爲壽慈以奉太

母

壽成謝后

藝祖遺訓官中止用赤白爲飾仁宗故事欄楯撤去

朱絲之采

歷伐官名

周秦時

麗祚

晉

銅鞮

晉

章華

楚

逃夏

越

咸陽

秦

長信

秦

阿房

秦

望夷

秦

梁山

秦

館娃

吳

前漢

未央

建章

長信

長門

樂陽

長樂

五柞

咸陽

甘泉

德陽

陵陽

回中

首陽

交門

昭臺

雲陽

陽靈

林光

龍泉

明光

萬歲

池陽

蒲萄

黃山

太一

思子

夜光

棠梨

扶荔

鼎湖

宜春

谷口

望仙

通天

步高

聖壺

集靈

曜華

養德

四寶

延壽

七聖

會城 天梁 柏梁 長楊 資陽 鼓簧  
承光 長平 鉤弋 萑陽 械陽 永安

修池 祈年

後漢

永安 長樂 池陽 長秋 永樂 胡桃

承光 德陽 東平

前魏

永壽 永安 永寧

西晉

永昌 弘訓 崇德

後魏

大夏

閻闔

金墉

盛樂

代下同

萬壽

承華

廣德

壽安

崇光

寧光

永樂

後周

長春

正陽

天興

雲陽

行官

天成

行官

隋

紫微

青城

景華

明德

朝陽

棲雲

積翠

甘泉

仙經

仙都

仁壽

天經

松仙

阜澗

顯仁

離光

流英

紫芝

疑華

搖景

洋彩

舒芳

懿樂

彩壁

一 漱風

清暑

朱明

翼仙

翠微

層城

一 千金

長春  
許臨江  
許汾陽  
許

唐

太極

弘義

大安

通義

躍龍

慶善

太和

翠微

大明

永安

蓬萊

玉華

九成

萬年

奉天

三陽

興泰

興慶

華清

溫泉

仁智

飛山

明德

合璧

萬全

紫桂

飛龍

望春

上陽

望賢

九曲

魚藻

新沼

咸宜

冷泉

高山

龍鱗

積翠

宿羽

青女

凌波

芳樹

紫微 積善 長春宮 連昌宮 繡嶺宮

五代

大明 大寧 至德 建昌 興聖 長春

大昌 積慶 廣德 興義 慶昌 太平

長壽 昇平

十六國

建章 逍遙 未央 長安 和龍 紫陌

六朝

建康 安德 昭明 太初 金華 樂安

樂修

北齊

靜德

金虎

聖應

崇光

三臺

丹臺新錄所載

易遷

七葉

上清西

紫清上

太霞

太素

繁玉

琅華

滄浪

玉玄

契丹

洪義

永興

積慶

延昌

章敏

長寧

崇德

興聖

敦睦

見國史傳

詩曰陟降厥土日監在茲言人君所居天所監也又



曰廼眷西顧。此維予宅。言文王之宅。天所顧也。天之眷顧。在文王居處之間。朝寢堂室。牖戶房夾。具有儀則。非以奉已也。所以䟽視淪聽。儲神習體。清政令之原也。芸若充庭。槐楓被宸。繁飾累巧。偃拱木於林衡。授令模於梓匠。遐邇枕豫。而子來工徒。擬議而騁巧。揆日畧考星耀。木無彫鏤。土無綈錦。夷庭廣庶。厚棟修梁。弗陋弗侈。惟禮是憲。土事不飾。木功不彫。服珍裘則念人之寒。居夏屋則念人之熱。非章華是靈臺。鑿茅茨於陶唐。察卑宮於夏禹。周宣斯于之制。漢祖壯麗之儀。延王爾之奇。

工命班輸之妙匠 星居宿陳綺錯鱗比 規景水

泉 金鋪交映玉題相暉 元棟鏤梲若騰虹之揚

眉飛簷舒瓘似翔鵬之矯翼華棖壁璫輦道纏屬

奔星更於閨闈宛虹施於 軒青龍蚴蟉於東箱象

輿宛憚於西溝靈圍燕於間館倥傯之徒暴於南榮

陳圭置臬瞻星揆地 規矩應天上憲紫甌 烈

著鉤星在漢煥若雲梁承天 碧瓦鱗差瑤階肪截

霖闈祕殿曼宇疏楹 彤軒紫柱文棖華梁綺井

合龍金墀玉廂溫房則冬服絺絺清室則中夏含霜

應門八襲璇臺九重表以百常之闕闕以萬雉之

墉 雕欒鏤椽青瑣丹楹 鄰斗極之光輝通天漢

之波瀾 雲譎波詭 雕楹玉鶴繡栢雲楣 仰福

帝居陽曜陰藏 命殷爾之巧匠 詩歌楚室頌美

泮宮 雲多甘泉晏恢景福 天垂定星易有大壯

君人者灋焉 周人考室見於風雅魯國作門記備

春秋漢起德陽鍾離抗言魏管官殿陳羣正辭 周

宣考室詠於詩人闕宮有血頌聲是作 鳩經始之

黎名輯農功之暇豫 宏璉豐敲 飛宇承霓 層

榭三休瑯簷四注 千樂電斜萬桶霓張紅葩植井

丹桂承梁 千楹鳳起萬栢鸞浮 虹梁鯨棟 授

矩司臬 脩棟虹指飛薨鳳翔 網戶翠錢青軒丹  
墀 陛納九齒閭披四目楯角儲清簷牙表縹雕牖  
紺間鏤楹熠煜 度弘規法大壯 虬柱虹梁 望  
玉繩而結極承倒影而開軒 頽素炳煥粉拱瑳峨陰  
蚪負檐陽馬承阿錯以瑤英鏤以金華方䟽含秀圓  
井吐葩 霞駁丹檻雲攢萬楹 翔鷗墜於層極宛  
虹拖於遊梁 丹柱歛赭 倨佹雲起 浮柱岵端  
萬楹磊砢 飛梁虹指層檻磔塊 芝栴戢著 圓  
淵方井 朱鳥舒翼以持衡騰虹膠蚪而遶棟 飛  
欄翼翥 千櫺赫弈萬拱峻層

邢子才新宮賦擬二儀而建路寢法三山而起翬室  
大廈眈眈斯千秩秩土成黼黻木化蛟螭陰梁北注  
陽馬南施百楹列倚千櫺代支

玉海卷第一百五十八

玉海卷第一百五十九

浚儀王應麟伯厚甫

宮室

殿上

說文堂之高大者 周益公曰官室取諸大壯貴

賤可以通稱特崇庠廣狹有別耳秦孝公強盛時

大築冀闕由是天子殿 初見商子定分篇臣侍

殿上兵陳殿下後載史記荆軻傳 又莊子說劍云入殿門不趨

大抵秦制也至始皇併天下殿屋相屬又作甘泉

前殿然後殿之名始立 漢黃霸丞相府計吏上

殿東漢司徒府有大會殿蓋車駕或臨幸會議於

此而有殿名非專指屋之高嚴也

燕禮當東霽注人君爲殿屋也

疏曰漢時殿屋四向流水故舉漢以况周文選注魏武集荀欣等曰漢制王所居曰禁中諸公所

居曰省中

### 漢武臺殿

李陵傳天漢三年名見武臺注師古曰未央官有武

臺殿 三輔舊事武帝於未央官起高門武臺殿

翼奉傳孝文時未央官無武臺殿

### 漢魯靈光殿

東海恭王彊傳初魯恭王好官室起靈光殿甚壯麗

是時猶存故詔疆都魯注恭王名餘景帝之子殿在  
兖州曲阜城中故其東西二十丈南北十二丈高  
丈餘 三王延壽遊魯國作靈光殿賦恭王始都下國  
好治宮室遂因魯僖基兆而營焉遭漢中微自西京  
之殿皆見隳壞而靈光巋然獨存豈非神明依憑支  
持以保漢室然其規矩制度上應星宿亦所以永安  
也奚斯頌僖歌其路寢 二六云立靈光之秘殿配紫微  
而爲輔承明堂於少陽昭列顯於奎之分野規矩應  
天上憲觚闕雲采藻稅龍栴雕鏤據坤靈之寶勢承  
蒼昊之純殷窮奇極妙棟宇已來未之有兮神之營



之瑞我漢室永不朽兮 唐元稹曰魯共王餘書先  
賢於屋壁以自警

漢前殿

見未央宮甘泉宮洛陽南宮北宮宣室 周曰路寢

漢曰前殿 樂志凡鼓 朝賀置酒陳前殿房中

朱博傳拜於前殿延登受策 揚雄傳甘泉賦前殿

崔巍兮和氏瓏玲炕浮柱之飛榭兮神莫莫而扶傾

後律志天子以冬夏至御前殿

史記秦始皇營作朝官渭南苑中先作前殿

漢承明殿 承明廬 著作庭 魏承明

門

翼奉傳孝文時未央宮獨有承明 霍光傳皇太后  
迺車駕幸未央承明殿 嚴助傳爲會稽太守數年  
不聞問賜書曰君厭承明之廬勞侍從之事故出君  
爲郡吏注張晏曰承明廬在石渠閣外直宿所止曰  
廬 楊雄傳孝成時有薦雄文似相如者召雄待詔  
承明庭注師古曰承明殿在未央宮 成紀鴻嘉二  
年三月雉集承明殿注在未央宮中 黃圖未央宮  
有承明殿著述之所也 西都賦又有承明金馬著  
作之庭大雅宏達於茲爲羣啓發篇章校理秘文

文選魏曹子建詩謁帝承明廬注陸機洛陽記承明門後官出入之門張公云魏明帝作建始殿朝會皆由承明門 魏應璩詩三入承明廬注直廬在承明門側璩爲侍郎常侍侍中

漢高門殿

列傳汲黯請間見高門注晉灼曰三輔黃圖未央宮中有高門殿 鮑宣爲諫大夫上書陛下擢臣巖穴豈徒欲使臣美食大官重高門之地哉宣又言高門去省戶數十步求見出入二年未省注晉灼曰高門殿名也師古曰在未央宮中 翼奉上疏曰孝文時

未央宮無高門殿 三輔舊事武帝於未央宮起高門武臺殿

漢倚蘭殿

文選注漢武故事武帝以乙酉年七月七日且生於倚蘭殿 又見洞冥記 景帝坐崇芳閣見赤氣如林來

蔽戶牖乃改閣爲倚蘭殿

漢奇華殿

承華殿

承光殿

見建章

宮

黃圖奇華殿在建章宮旁四海夷狄器服珍寶火浣布切玉刀巨象大雀師子宮馬克物其中 漢武故

事七月七日上於承華殿齋正中忽有一鳥從西方  
來集殿前東方朔曰此西王母欲來也有項王母至  
二青鳥夾侍 文選注潘岳關中記曰未央殿東有  
鴛鸞殿

### 漢玉堂殿

楊雄傳解嘲歷金門上玉堂注晉灼曰黃圖有大玉  
堂小玉堂殿漢官閣名曰長安季尋傳久汗玉堂

注師古曰玉堂殿在未央宮選注引翼奉傳上疏

曰孝文時未有玉堂殿至武帝有之谷永傳抑損

椒房玉堂之盛龍注玉堂嬖幸之舍黃圖玉堂殿

在未央宮殿西漢書建章宮南有玉堂壁門玉層臺  
高三十丈玉堂殿內十二門階陛皆玉爲之鑄銅鳳  
高五尺飾黃金栖屋上下有轉樞向風若翔椽首薄  
以璧王飾之因名曰壁門又建章有玉堂與未央前  
殿等去地十二丈所基皆用玉

西都賦金華玉堂

西京賦神仙長年宣室玉堂麒麟朱鳥龍興含章

注皆殿名譬衆星之環極云云

靈帝紀中平三年復修

玉堂殿鑄銅人四黃鍾四及天祿蝦蟆洛陽宮殿

名有玉堂前後殿

漢函德殿

宣紀神爵元年三月詔曰趙无康四年嘉穀元稷降于郡國神爵仍集金芝九莖產于函德殿銅池中黃圖建章官有函德等二十六殿

漢鳳皇殿

又見未央官

溫室殿

見室類

郊祀志宣帝幸河東之明年

神爵二年

正月鳳皇集役翊

於所集處起步壽官間歲鳳皇神爵甘露降集京師

其冬

四年十月二日

鳳皇又集上林廼作鳳皇殿以答嘉瑞

明年正月改元五鳳宣帝時鳳皇下郡國凡五十六

所翼奉傳孝文時未央官無高門武臺麒麟鳳皇

白虎玉堂金華之殿

**黃圖**

未央官有鳳皇飛羽通

光等殿 關中記未央殿東有鳳皇殿駕鸞殿 一西

京賦鳳皇駕鸞注皆後官別名

漢白虎殿

杜欽傳

兼成紀  
谷永傳

建始三年冬十二月舉直言極諫之

士四年夏四月復名直言之士杜欽谷永詣白虎殿

對策注師古曰此殿在未央官中 一王商傳河平四

年

紀春  
正月

單于來朝引見白虎殿丞相王商坐未央庭

中單于拜謁商起離席與言單于仰視商貌大畏之

遷延却退天子聞而歎之曰此真漢相矣 一翼奉傳

文帝時未央官又無高門武臺麒麟鳳皇王堂白虎



金華之殿獨有前殿曲臺漸臺宣室温室承明耳

外成傳成帝時楚梁王來朝明日當辭去上宿供張

白虎殿 王莽傳大置酒未央宮白虎殿勞賜將帥

自前殿南下椒除西出白虎門 巨子新論與楊子

雲奏事坐白虎殿廡下

選注引之

黃圖未央宮有白虎

殿廟記云未央宮有白虎閣 西都賦白虎麒麟

後廣平王羨傳建初四年羨與諸儒講論於白虎殿

此後漢殿在東都 兩都襲其名蓋漢家右文之地 又後漢甘泉有白虎觀

漢昭陽殿

曲臺殿

見臺類

飛羽殿

西都賦昭陽獨盛隆於孝成屋於呈材牆不露形注

昭陽殿名 趙后傳皇后既立寵少衰而弟絕幸爲  
昭儀居昭陽舍其中庭彤朱而殿上綵漆切皆銅脊  
冒黃金塗白玉階壁帶往往爲黃金釭函藍田璧明  
珠翠羽飾之自後宮未嘗有焉 又見後宮  
元后傳  
饗飮飛羽 或作兩 注飛羽殿在未央官中

漢金華殿

敘傳成帝時大將軍王鳳薦班伯宜勸學召見宴昵  
殿 親戚宴飲會同之殿 拜爲中常侍時上方鄉學鄭寬中張禹  
朝夕入說尚書論語於金華殿中詔伯受焉數年金  
華之業絕一翼奉傳孝文帝時未央官無金華殿

黃圖未央官有金華殿 西都賦金華玉堂注黃圖  
曰未央官有金華殿大玉堂殿

漢紫殿

成紀永始四年春正月行幸甘泉郊泰時神光降集  
紫殿 西京雜記成帝設雲帳雲幄雲幕於甘泉紫  
殿世謂三雲殿 張臨登閣殿

漢麒麟殿

董賢傳上置酒麒麟殿賢父子親屬宴飲 翼奉傳  
孝文時未央官無麒麟殿 西都賦白虎麒麟注黃  
圖在未央官 西京賦麒麟朱鳥龍興含章注皆殿名譬

衆星之環極

漢明光殿

詳見宮類

漢官儀尚書奏事於明光殿省中以丹朱漆地故曰丹墀尚書伏其下奏事黃門侍郎揖疏受事 三秦記桂宮中有明光殿皆金玉珠璣爲簾箔金匳玉階晝夜光明 唐樊鑄有明光殿粉壁賦

漢清涼殿

延清堂

黃圖清涼殿夏居之則清涼也亦曰延清堂漢書曰清室中夏含露卽此

見七曆云漢書誤

西都賦清涼宣溫

注黃圖曰未央宮有清涼殿

許昌宮賦

魏卡

有望

舒涼室義和溫房 彼避暑九成而忘其親生涼殿  
閣而忘其民心移於物賢君所當戒也

### 漢臨華殿

成紀永始四年四月癸未長樂臨華殿未央官東司  
馬門災

漢百官朝會殿在司徒府大會殿

詳見

### 朝儀類

周禮槁人掌共外朝穴食者之食注外朝司寇斷  
獄弊訟之朝也今司徒府中有百官朝會之殿云天  
子與丞相舊決大事焉是外朝之存者與 朝士掌

建邦外朝之灋注今司徒府有天子以下大會殿亦

古之外朝

正義云以漢法說之

小宗伯凡王之會

同軍旅旬役之禱祠肆儀爲位注謂若今時肆司徒

府也小宗伯主其位黃霸傳張敞奏曰丞相請雜

問郡國上計長吏其對有舉孝悌者爲一輩先上殿

師古曰丞相所坐屋也舉而不知人數者次之不爲條教者在

後西都賦朝堂百僚之位

百官志云云

注司徒司

空二府光觀壯麗古今注曰永平十五年更作太尉

司徒司空府開陽城門內蔡贇漢儀曰司徒府與蒼

龍闕對厭於尊者不敢號府應劭曰不然丞相舊位

在長安時府有四出門隨時聽事明帝欲依之迫於  
太尉司空但爲東西門耳國每有大議天子車駕親  
幸其殿殿西王侯以下更衣併存每歲州郡聽採表  
吏臧否民所疾苦還條奏之是謂舉謠言舉謠言者  
掾屬令史都會殿上主者大言某州郡行狀周禮有外  
朝干寶注曰禮司徒府中有百官朝會殿與鄭注同

律曆志熹平四年馮光陳晃言歷元不正乙卯詔  
書下三府與儒林明道者詳議以羣臣會司徒府議  
注蔡邕集載三月九日百官會府公殿下東面校尉  
南面侍中郎將大夫千石六百石重行北面議郎博

士西面戶曹令史當中坐而讀詔書公議蔡邕前坐  
侍中西北近公卿與光晃相難問是非焉 趙壹傳

光和元年司徒袁逢受計計吏數百人皆拜伏庭中  
耿秉傳每公卿會議常引秉上殿訪以邊事多簡  
帝心 漢未央之內爲內朝未央之外爲治朝司徒  
府大會殿爲外朝 晉令有朔望集公卿於朝堂而  
論政事

### 漢却非殿

光武紀建武元年冬十月癸丑車駕入洛陽幸南宮  
却非殿遂定都焉注雒陽宮閣名有却非殿 洛陽故  
宮名曰



洛陽有  
却非門

### 漢宣德殿

馬援傳建武四年冬，隴使援奉書洛陽，援至，引見於

宣德殿。

東觀記曰：敕令中黃門引入時，上在宣德殿南廡下，袒幘坐。

世祖迎笑謂

援曰：

云云。

又援鑄馬式，上之，詔置於宣德殿下。

黃

圖未央宮有宣德殿。

此係西京。

王閔帶劔至宣德後闕。

### 漢陽明殿

會稽典錄：嚴遵字子陵，建武五年，詔召遵，設樂陽明

殿，命宴會，暮留宿。其夜客星犯天子宿，隸釋國三老

袁良碑云：拜梁相，帝御九龍殿，引對。

漢南宮前殿

光武紀建武十四年正月起南宮前殿 五行志南

宮長秋和歡殿

漢邯鄲溫明殿

耿弇傳光武居邯鄲官晝臥溫明殿弇入造牀下請  
間注趙王如意之殿也故基在今潞州邯鄲縣內

漢德陽殿

朝賀

禮儀志每月朔歲首爲大朝受賀儀夜漏未盡七刻  
鍾鳴受賀及贊公侯璧二千石羔千石六百石馬四  
百石以下雉百官賀正月二千石以上上殿稱萬歲

舉觴御座前司空奉奠大司農奉飯奏食舉樂百官  
受賜宴饗大作樂其每朔惟十月旦從故事者高祖  
定秦之月元年歲首也注蔡質漢儀曰正月旦天子  
幸德陽殿臨軒公卿將大夫百官各陪朝賀蠻貊胡  
羌朝貢畢見屬郡計吏皆陛覲庭燎宗室諸劉雜會  
萬人以上大官賜食酒御史四人執法殿下虎賁羽  
林弧弓搬矢陛戟左右戎頭偏脛陪前向後左右中  
郎將住東西羽林虎賁將東北五官將中央悉坐就  
賜作九賓徹樂鍾磬並作樂畢作魚龍曼延小黃門  
吹三通謁者引公卿羣臣以次拜罷德陽殿周旋容

萬人陛高一丈皆文石作壇激水殿下畫屋朱梁王

陛金柱刻鏤作官掖之好厠以青翡翠一柱二帶韜

以赤緹天子正旦節會朝百僚于此

雒陽宮閣簿云南北行七丈東

西行三十  
七丈四尺

晉樂志鐸無歌幡舞歌各一篇鼓舞伎

六曲並陳於元會後漢正旦天子臨德陽殿受朝賀

晉禮志漢武帝雖用夏正至於十月朔猶常享會

大作樂如元正之儀

其儀同後漢志

鍾離意傳德

陽殿成百官大會明帝思意言謂公卿曰鍾離尚書

在此殿不立注漢官殿名北宮中有德陽殿

明帝紀  
永平八

年十月  
北宮成

延光元年河西大雨雹安帝召孔

季彥見於德陽殿親問其故 順紀孫程等迎濟陰

王順於德陽殿

注漢官儀曰  
崇賢門內

西鍾下卽帝位近臣尚

書以下從輦到南官登雲臺名百官 黃瓊傳永建

三年上疏順帝書奏引見德陽殿使中常侍以瓊奏

書屬主者施行 周舉傳陽嘉三年河南三輔大旱

五穀災傷天子親自露坐德陽殿東廂請雨 威紀

建和二年德陽殿火 洛陽宮閣疏偃師去宮四十

三里望朱雀五闕德陽其上鬱律與天連 東京賦

逮至顯宗旣新崇德遂作德陽

注崇德在東德陽啓  
在西相去五十步

南門之特闡立應門之將將其內則合德章臺天祿

宣明溫飭迎春壽安永寧

入殿各

飛閣神行莫我能形

李尤德陽殿賦曰開三階而參會錯金銀於兩楹  
入青陽而窺總章歷戶牖之所經連壁組之爛熳雜  
虬文之蜿蜒爾乃周閣迴市峻樓臨門朱闕巖巖嵒  
峩槩雲青瑣禁門廊廡翼翼達蘭林以西通中方池  
而特立又銘曰皇穹垂象以示帝王紫微之側洪誕  
彌光大漢體天承以德陽崇高弘麗包受萬方內總  
朝貢外供遐荒

餘見北宮略官

### 漢宣明殿

亓郁傳遷侍中

永平十四年

帝自制五家要說章句

令郁校定於宣明殿注華嶠書曰殿在德陽殿後東  
觀記曰其冬上親於辟雍自講所制五行章句 樊  
儵傳引見宣明殿 又永平二年廣陵王荆引見宣明  
殿

漢宣平殿

張純傳子奮嗣爵歸國永平十年儋耳降附奮來朝  
上壽引見宣平殿顯宗以爲侍祠侯

漢崇德殿

安帝紀太后御崇德殿拜帝爲長安侯注洛陽官有  
崇德殿 蔡邕傳靈帝詔邕與楊賜馬日磧張華單

颺請金商門引入崇德殿就問災異注洛陽記曰南  
宮有崇德太極殿西有金商門  
東京賦旣新崇德  
遂作德陽注皆殿名崇德在東德陽在西相去五十  
步  
河南志崇德殿明帝永平中置

### 漢安福殿

黃香傳肅宗時名詣安福殿言政事拜尚書郎  
東  
京賦於南則前殿雲臺和歡安福注二殿名並在德  
陽殿南  
又有承福殿  
見廟帝紀  
又有黃龍千秋萬  
歲殿  
見五行志

### 漢章臺殿 雲臺殿



馬防傳馬鉅爲常從小侯肅宗以鉅當冠親御章臺

下殿陳鼎俎自臨冠之

一和帝紀

兼魯恭傳

永元九年八

月飲耐齋會章臺詔小黃門特引見議郎魯恭一宦

者傳靈帝鑄四鍾皆受二千斛垂於玉堂及雲臺殿

前一東京賦合德章臺

薛綜注殿在應門之內

於南則前殿雲

臺

張鏡注殿名

楊雄傳簡生收功於章臺注晉灼曰相如獻璧此臺

漢嘉德殿

九龍殿

虞詡傳鄧太后以詡有將帥畧遷武都太守引見嘉

德殿

袁良碑云帝御九龍殿引對

順紀幸嘉德殿遣侍御史收

閭顯 孝仁后紀居南宮嘉德殿官稱永樂 五行

志延熹四年南宮嘉德殿火 一楊賜傳光和元年有

虹蜺晝降于嘉德殿前帝引賜及蔡邕等入金商門

問以災異注洛陽記云殿在九龍門內戴延之西征

記云太極殿西有金商門 西漢官殿名正殿名 東

京賦九龍之內實曰嘉德注九龍本周時殿名門有

三柱柱有三龍皆銅嘉德殿名在九龍門內 在南官

洛陽有却非殿銅馬敬法清涼鳳皇嘉德黃龍壽安

殿竹殿 魏青龍三年八月復崇華殿改名九龍殿

陳有嘉德殿學士

漢壽安殿 敬法殿

梁后紀陽嘉元年春有司奏立長秋宮乃於壽安殿  
立貴妃爲皇后注壽安是德陽宮內殿名

東京賦壽安永寧

東觀漢記明德馬后在敬法殿東箱

王莽傳有敬法闔注師古曰敬法殿名 洛陽官名

曰洛陽有敬法門

漢顯親殿

周舉傳順帝永和元年災異數見省內詔召公卿中  
二千石尚書詣顯親殿問以災異舉對曰

云云

又名

舉於顯親門問以災壽

漢華光殿

楊賜傳建寧初靈帝當受學詔大傅三公選通尚書  
巨君章句夙有名者三公舉賜侍講于華光殿注洛  
陽官殿名曰華光殿在崇光殿北 劉寬傳靈帝初  
名拜太中大夫侍講華光殿遷侍中賜衣一襲注洛  
陽官殿簿云殿在華林園內 梁有華光殿武帝命  
羣臣賦詩

漢章德殿

竇后紀見於北宮章德殿 清河王慶傳帝移幸北

宮章德殿

禮儀志

云云

注建寧四年七月乙未立

宋皇后儀章德殿臨軒

魏景福殿

太極殿

文昌殿

九龍殿

又見官類

明帝紀太和六年九月治許昌官起景福承光殿青龍三年八月丁巳行還洛陽官命有司復崇華殿時

郡國有九龍見改名九龍殿

水經注許昌城內有

景福殿基魏明帝太和中造

元和志在故城西南隅

魏明帝上

法大極於洛陽南官起太極殿于漢崇德殿之故處

魏武封於鄴爲北官官有文昌殿

南齊禮志魏武

都鄴正會文昌殿用漢儀又設百華燈魏文修洛陽

宮室權都許昌宮殿狹小元日於城南立氈殿青帷

以為門、何晏韋誕夏侯惠有景福殿賦

文選何

平叔

晏

賦立景福之秘殿備皇居之制度

溫房涼室

開建陽啓金光注洛陽宮殿簿曰許昌宮景福殿七

間、魏都賦造文昌之廣殿極棟宇之宏規注正殿

名、張遼傳黃初二年文帝引遼會建始殿

楊阜

傳明帝新作許宮又營洛陽宮殿觀閣阜上疏曰堯

尚茅茨而萬國安其居禹卑宮室而天下樂其業及

至殷周或堂崇三尺度以九筵耳洛陽宮殿簿有

魏太極九龍芙蓉九華承光諸殿漢晉春秋有景福

聽政諸殿

戴延之西征記大魏殿上有金井欄金博山金轆轤蛟龍負山於井上又有師子在龍下華正雋洛陽記太極殿有

四金銅柱

魏百子殿

文選景福殿賦遂及百子後宮攸處注韋誕景福殿賦曰美百子之時居嘉休祥之令名毛詩箋云太姒十子衆妾則宜百子殿名蓋取於此唐錢起詩有百子殿

吳神龍殿

建康宮殿簿太初宮中有神龍殿去縣三里左太冲吳都賦云抗神龍之華殿是也赤烏殿在縣東北五里吳昭明宮內制度上應星宿吳都賦云飾赤烏之

曄曄宋於臺城立正福清曜等殿陳永初中起昭德嘉德壽安乾明有覺等殿。

### 晉太極殿

帝紀武帝受禪即洛陽宮幸太極前殿太康元帝五

月臨軒大會於太極殿

孽虞火疑要注太極殿乃有

周制路寢也秦漢曰前殿魏魏正殿為太極殿

懷帝即位始遵舊制臨太

極殿使尚書郎讀時令

元帝時有司嘗奏太極殿

廣室施絳帳帝曰漢文集上書帛囊為帷遂令冬施

青布夏施青練帷帳穆帝永和元年正月甲戌朔

皇太后設白紗帷於太極殿帝臨軒簡文帝百



官進太極前殿具乘輿駕奉迎帝於會稽邸山

簡傳秦始初黃門侍郎恂庾純始於太極東堂評

尚書奏事王獻之傳太元中新起太極殿欲使獻

之題榜云云禮志咸康二年拜皇后帝御太極殿

羣臣畢賀建元元年詔曰所以正法服升太極者敬

其始故備其禮梁天監十二年二月辛巳新作太

極殿三月庚子成改為十三間從閏數陳永定二年七月起

太極殿後周天和中沈重於紫極殿講三教義

晉崇正殿

文選潘安仁詩曜藻崇正法太子之宮也臧榮緒晉

書曰太子講孝經於崇正殿

晉延恩殿

南史晉朝宴所臨東西二堂而已孝武末年清暑方  
建宋永初所居唯稱西殿及孝武更造正光玉燭紫  
極諸殿雕欒綺節珠窻網戶

後周麟趾殿

列傳鮑宏明帝列爲麟趾殿學士 蕭大圖開麟趾  
殿招集學士大圖預焉 宗慤與王褒等在麟趾刊

定羣書

唐武德殿

高祖紀高祖入關義寧元年十一月甲子以武德殿

爲丞相府

會要武德四年八月

一云九月癸亥

賜五品已

上射於武德殿正觀五年三月三日

癸亥

賜文武五

品已上射於武德殿

九月乙丑同

六年三月三日

丙

辰

賜羣臣大射於武德殿

魏王泰傳太宗命泰入

居武德殿侍中魏證言王爲愛子不可使居嫌疑之

地帝悟乃止

諫錄云移魏王於武德殿院

許敬宗傳待詔太極

殿西闔顯慶元年奉詔於武德內殿撰東殿新書

龍朔

元年

百官志永徽中命弘文館學士一人日待制

于武德西門

元宗紀延和元年

即先天元年

七月壬辰

睿宗制皇太子宜卽皇帝位皇太子乃御武德殿八月庚子卽位已酉吐蕃遣使朝賀宴武德殿設大常

四部樂于庭

六典太極殿左曰虔化門虔化門之

東曰武德西門其內有武德殿延恩殿兩京記武

德殿在西內乾化門東北

一云在乾化門之東近北一云在太極殿東

長安志西內乾化之東曰武德西門其內則武德殿

在甘露殿之東

南史梁武帝餞魏中山王元譽於武德殿賦詩 隋

紀開皇十二年十一月甲子百寮大射於武德殿十  
九年正月戊寅大射武德殿宴賜百官

唐太極殿見太極官

會要武德元年五月十一日改隋太興殿爲太極  
殿昭陽門爲順天門紀高祖武德元年五月甲子  
卽位太極殿太宗正觀三年四月甲午始御太極殿  
元宗開元五年正月癸卯遷太廟神主于太極殿已  
酉享于太極殿順憲穆敬並卽位于是殿  
舊紀武

德元年五月丁卯宴百官于太極殿賜帛有差開元  
八年皇太子加元服正月丙寅會百官于太極殿

會要太宗御太極殿召文武六品已上告立晉王為

太子羣臣稱慶永徽二年八月二十九日詔五日一

度太極殿視事

六年正月丙子受朝賀

禮樂志皇帝致齋設

御幄於太極殿西序及室內四夷來朝設御幄於太

極殿南向親征纂嚴設御幄於太極殿皇帝加元服

尚舍設席於太極殿中楹之間太子加元服設御幄

於太極殿納皇后有司展垂設按陳車輿于太極殿

廷如元日太子納妃臨軒陳戒設御座於太極殿阼

階之西向元正冬至受朝賀設御幄於太極殿冊太

子設御幄于太極殿

又太極殿

受朝賀見元會類

通典太極殿讀五時令冊命諸王大臣設御幄於太

極殿

**五時志**

正觀十七年四月丙戌立太子雌雉

集太極殿前太極三朝所會也

**突厥傳**武德元年

骨咄祿特勒來朝帝宴太極殿為奏九部樂引升御

坐

**蘇頲傳**

元宗平內難書詔填委獨頲在太極後

閣口所占授輕重無差

**李德裕傳**奉冊太極殿

唐延恩殿

見太極宮

唐仁壽殿

**實錄**高祖武德二年五月戊辰宴并州從五品以上

於仁壽殿賜帛高宗儀鳳三年七月丁巳宴百僚於  
九成宮之咸亨殿

唐合章殿

實錄高祖武德三年四月壬戌秦王

太宗

平并州復故

地帝大悅置酒合章殿宴羣臣賜御府繒綵

裴寂

傳高祖與寂置酒合章殿

又武德初宴元勳於合

章殿

隋張肅見文帝於合章殿

唐翠華殿 文明殿

見御詩類 武德七年四月丙午宴王公親屬



唐內殿

實錄武德八年五月乙巳宴五品已上及外戚於內殿正觀二年十一月戊申宴五品已上於內殿帝曰  
頡利奔竄天下無事豈不樂哉戊子宴突利可汗及羣臣於殿庭賜帛開元二年十月庚辰宴新羅使于內殿二十四年八月甲寅宴突騎施首領于內殿賜錦衣一副大曆三年十二月丁巳五年六月辛丑六年正月己卯宴宰臣節度使于內殿

唐百福殿 又見下

實錄武德九年三月丙申宴朝集使於百福殿

六典太極

官宜秋門之右

晉洛陽官殿簿亦有是殿

秦九部樂正觀六年正月甲

戌宴蠻夷及三品已上於百福殿永徽三年二月甲

辰宴三品於百福殿龍朔三年二月庚戌令皇子於

百福殿慮囚 趙弘智傳永徽中爲陳王師講孝經

百福殿宰相學士皆在弘智舉五孝諸儒更詰辯隨

問酬悉舌無留語高宗喜曰試爲我陳經要對曰天

子有爭臣七人願以此獻帝悅賜絹二百名馬一

會要大中元年二月敕修百福殿院八十間

唐中華殿 卽兩儀殿

會要武德九年四月二十三廿甘露降于中華殿之

桐木滋如冰雪以示羣臣 寶錄正觀二年十二月  
乙未宴突利可汗及三品以上於中華殿帝賦七言  
詩四年二月巳酉宴三品以上於中華殿 令狐德  
茶傳永徽初高宗召宰臣弘文館學士坐中華殿問  
何修而王何若而伯德茶曰王任德霸任刑

唐承乾殿

會要高祖令秦王居官中

一作承乾殿

唐顯明德殿

太宗紀武德九年八月甲子卽位于東宮顯德殿

甲戌

宴羣臣于顯德前殿  
又習射于是殿

會要武德九年八月九日太

宗卽位于東官明德殿

卽顯德殿中宗諱顯爲太子時改日明德

五行

志正觀十七年四月丙戌立晉王爲皇太子雄雉集東官顯德殿前

武德六年三月己丑宴五品已上於昭德殿賜帛

唐麗正殿 弘教殿

見前東官

舊紀高宗正觀二年六月十三日生於東宮之麗正殿開元七年九月繕寫四庫書貯之

集賢注記麗

正殿在東官正殿崇教殿之北光天殿之南

徐浩爲麗正殿

校理

六典注梁武帝於文德殿藏書北齊有文林館

後周有麟趾殿學士皆掌著述隋於東都置觀文殿

東西廂貯書

云云

實錄太宗武德九年九月戊戌

帝宴舊府佐及學士於弘教殿賜物有差

晉皇太子講孝經於崇正殿

唐乾元殿

又見明堂類

乾陽殿

政要正觀四年發卒修洛陽之乾元殿張元素諫

初武

德四年高祖以殿太奢使屬突通焚之

會要洛陽官顯慶元年敕司

農少卿田仁汪修乾元殿

洛陽正殿也

高一百二十尺東

西三百四十五尺南北百七十六尺麟德二年三月十

二日

舊紀

殿成垂拱四年二月十日以殿爲明堂開

元二十七年九月十日於明堂舊址造乾元殿

十月毀明

室上層改下層爲乾元殿

舊紀開元五年七月甲子詔改明堂

爲乾元殿通天門爲乾元門十年十月癸丑乾元殿

復題爲明堂

天寶二年十二月東京應天門改爲乾元門

褚無量傳開元中

詔無量等於乾元殿整比四部書

詳見書月類

蘇定方

傳降都曼俘獻於乾陽殿

會要顯慶五年正月定方俘于東都上齋乾陽殿云

云見

王勃上乾元殿頌大壯摘爻斯于韻雅道

凝茅屋業盛蒿宮

隋曰乾陽唐曰乾元明堂後改

含元梁曰朝元後唐曰明堂晉曰宣德後復爲明堂

本朝興國三年改太極改金闕第六殿曰乾陽

正觀十一年十一月丙午宴金闕已上及蕃夷於正

觀殿十八年十一月乙酉日南至皇太子王公已下  
展賀於正觀殿顯慶二年二月癸亥宴正觀殿

唐臨華殿

實錄正觀四年十二月乙未誕皇太子宴三品已上  
於臨華殿

唐丹霄殿

又見樓類

實錄正觀六年二月戊辰幸九成宮戊寅宴三品已  
上於九成宮丹霄殿賜從官帛

四月癸卯醴泉出丹

霄殿之西

七月辛未宴三品已上於丹霄殿閏八月  
乙卯宴近臣於丹霄殿樓賜錢帛十八年五月甲戌

召司徒長孫無忌以下十餘人宴丹霄殿各賜膜皮  
魏公諫錄宴羣臣於丹霄殿命公圍棊賜尚乘馬  
并金裝鞍轡勒又坐丹霄門外之西堂引入宴宴丹  
霄殿謂羣官曰爲政之要務全其本宴丹霄門樓極  
歎

唐披香殿

蘇世長傳直觀六年世長侍宴披香殿

在慶善宮

酒酣進

曰此煬帝作邪何彫麗若此高祖曰卿豈不知此殿  
我所營乃詭云煬帝對曰臣但見傾宮鹿臺瑠璃之  
瓦非受命聖人所爲者陛下武功舊第纔庇風雨時



自以爲足帝咨重其言

### 唐戢武殿

實錄太宗與公卿謁太上皇於戢武殿置酒爲歡乙夜方散賜帛有差明日復置酒凌煙閣

### 唐兩儀殿

舊紀

又夷狄傳

正觀八年三月甲戌高祖讌西突厥使者

泥孰遣使來朝

於兩儀殿顧謂長孫無忌曰當今蠻夷率服

占未嘗有無忌上千萬歲壽高祖大悅以酒賜太宗太宗奉觴上壽流涕而言曰百姓獲安四夷咸附皆奉遵聖旨豈臣之力於是太宗與文德皇后互進御

膳并上服御衣物同家人常禮

十一年正月壬辰宴

五品已上於兩儀殿十四年九月乙巳宴五品已上

於兩儀殿奏九部樂十六年十月庚子宴諸蕃使於  
兩儀殿賜帛十七年四月丙戌太宗卽兩儀殿建立  
晉王爲皇太子已亥御兩儀殿皇太子侍戒以孝德  
十八年四月已酉御兩儀殿皇太子侍側

兩京記

正觀五年太宗破突厥於兩儀殿宴突利可汗賦七  
言詩栢梁體御製絕域降附天下平神通曰八表無  
事悅聖情無忌曰雲坡霧歛天地明元齡曰登封日  
觀禪雲亭蕭瑀曰大常具禮芳告成

諫錄云太上皇  
幸兩儀殿羣臣

奉見

魏證傳高昌平帝宴兩儀殿曰高昌若不失德

豈至於亡朕亦當自戒不以小人之言議君子庶幾  
獲安也證舉管仲威公事長孫無忌傳帝欲立晉

王未決坐兩儀殿羣臣已罷獨留無忌元齡勸言東  
官事遂定武平一傳中宗宴兩儀殿令胡人唱合

笙平一上書諫曰兩儀承慶殿者陛下受朝聽訟之

所比大饗羣臣不宜以倡優媠狎

景龍一年十一月  
子巳宴羣臣十兩

儀殿十二月丙申宴  
堅見使于兩儀殿

武攸緒傳中宗卽兩儀殿設

位行問道禮

隱士

元宗紀討韋氏亂元宗率摠監

羽林兵會兩儀殿

六典兩儀殿在太極殿後常日

聽朝視事蓋古之內朝隋曰中華殿正觀五年改兩  
京記亦云

長安志兩儀殿在太極宮大極殿後

會要大和二年八月修兩儀及甘露殿共一百七十  
二間

唐儀鸞殿

見洛陽宮及養老類

實錄太宗正觀十一年三月三日戊子引五品已上  
大射于儀鳳殿十八年十一月壬午宴父老儀鸞殿

唐觀德殿

唐射殿

見大射

會要正觀十六年三月三日

戊午

賜百寮大射于觀

德殿

大極宮曰西內其元武  
門之外有殿曰觀德

永徽三年三月三日丙

辰 幸觀德殿賜羣官大射永徽三年六月二十八日  
議明堂制度上令于觀德殿前依五室九室兩議張  
設上觀之 舊紀正觀十四年十二月丁酉侯君集  
執高昌王麴智盛獻捷于觀德殿行飲至之禮賜醕  
二日永徽三年三月庚申幸觀德殿賜羣官大射  
寶錄總章元年十月癸丑文武官獻食賀破高麗帝  
御元武門之觀德殿宴百官設九部樂賜帛  
隋開皇二年十月庚寅享百僚于觀德殿

唐齊政殿 芳蘭殿 天成殿 延福殿

至德殿 壽昌殿

通監正觀十三年七月庚戌詔李思摩爲泥孰俟利

苾可汗上御齊政殿

在九成宮

餞之思摩奉觴上壽二十

年十二月庚辰回紇等酋長來朝賜宴芳蘭殿

詳見外夷

類二十一年正月丙申御天成殿陳十部樂總章二

年八月辛亥御延福殿

在九成宮

召五品已上議巡守

一作

議幸涼州

冊府元龜正觀二十二年正月乙未奏十部

樂會四夷君長於天成殿王公稱觴上壽賜帛有差  
十八年褚遂良上疏曰臣於芳春殿奏聞

實錄順

宗永正元年六月乙未召翰林學士鄭綱 衛次公王

涯等入至德殿撰制詔

會要元和十年五月臨碧

院使奏壽昌殿南獲白鹿麕長慶元年七月壽昌殿  
內柱上產玉芝一莖長六尺 相思殿大饗見外夷類

唐武成殿

舊紀正觀十五年五月壬申并州僧道老人請幸大  
原上於武成殿賜宴相與道舊以爲樂 員半千傳  
高宗御武成殿問半千曰兵家有三陣何謂邪半千  
曰星宿孤虛天陣山川向背地陣偏伍彌縫人陣臣  
謂不然師以義出沛若時雨得天之時爲天陣足食  
約費且耕且戰得地之利爲地陣舉三軍之士如子  
弟從父兄得人之和爲人陣帝曰善 則天紀无宅

元年二月甲子皇帝率羣臣上尊號于武成殿 王

方慶傳武后御武成殿觀方慶十世從祖義之以下

二十八人書編示羣臣詔崔融序其闕闕號寶章集

復賜方慶

李元紘傳開元中

十五年

爲相五月五日

丁亥宴武成殿賜羣臣襲衣特以紫服金魚賜元紘及

蕭嵩

會要開元十三年新造銅儀成命之曰水運

渾天俯視圖置於武成殿前以示百寮

詳見儀象類

實

錄神龍元年四月己巳宴皇親及內外親於武成殿

### 唐飛霜殿

實錄太宗正觀二十年七月辛亥宴五品已上於飛



霜殿絲竹遞奏羣臣上壽賜綾錦殿在元武門北因地形高敞層閣三成引水爲潔淥池以滌炎暑

正觀四年三月戊辰宴三品以上於林光殿七月壬辰宴羣臣於芳華殿賜帛十六年二月壬寅帝謂侍臣曰因覽劉聰傳將起鷄儀殿陳元達諫朕於監田市木將別爲一殿取制兩儀仍建重閣遠想聰事遂止

### 唐瑤池殿

魏鄭公諫錄太宗嘗御瑤池殿顧謂侍臣曰西蕃通來幾時

唐文思殿

房元齡傳太宗命元齡等撰文思博要一千三百卷  
太子弘傳龍朔元年命賓客許敬宗等卽文思殿  
集瑤山玉彩

隋有文思殿 梁改文思院爲乾文院

唐紫微殿

實錄正觀二十二年十月己巳破龜茲帝聞之大悅  
宴五品以上於紫微殿謂羣臣曰四海寧一六合無

塵帝王之樂也二十三年正月壬子受俘紫微殿

初二

十二年七月帝遊幸敕奉御王孝積於顯道門內起  
紫微殿十三間文甕重基高敞宏壯帝見之甚悅

襄邑王神符傳太宗令乘小輿入紫微殿

唐嘉壽殿

賀魯傳正觀二十二年賀魯內屬會討龜茲請先馳

爲饗導詔授崑丘道行軍總管

實錄四  
月乙亥

宴嘉壽殿厚

賜子解衣衣之

實錄云  
賜給解

隋有嘉則殿開皇十三年二月戊子宴考使

唐含涼殿

會要龍朔二年六月一日睿宗生於蓬萊官含涼殿

唐紫宸殿

紫宸內閣

受朝賀

見前

會要龍朔三年四月二十二日移仗就蓬萊宮二十

五日始御紫宸殿聽政百寮奉賀

殿在大明宮

開元十六

年五月六日唐昌公主出降有司進儀注紫宸殿行

五禮右補闕施敬本拾遺張烜右拾遺李銳等連名

上疏曰紫宸殿者漢之前殿周之路寢陛下所以負

黼屨正黃屋饗萬國朝諸侯人臣至敬之所猶元極

可見不可得而升也上納其言移於光順門外設次

行禮

**寶錄**開元十二年三月庚午宴朝集使于紫

宸殿

元宗又嘗宴突厥使者於此肅宗乾元元年二月戊戌宴回紇使於此

二十八年

四月庚辰有慈烏巢紫宸殿之拱

**舊紀**開成元年

正月乙巳御紫宸殿宰臣李君奏放京兆租稅五月

乙卯御紫宸殿上謂宰臣曰爲政之道自古所難李

石對曰朝廷法令行則易

又大和元年三月御紫宸殿延英視事凡十一刻宰

臣口陳大政異日對翰林學士於思政殿對南北軍使於麟德殿

**通監寶曆元年**

十月上欲幸驪山温湯拾遺張權輿伏紫宸殿下叩

頭諫

云云

**六典**紫宸殿即內朝正殿也

**兩京記**

大明宮有紫宸殿在宣政殿北即內衙正殿正觀五  
年正月詔諫官隨中書門下及京官入閣

**官志起**

居郎舍人秉筆隨宰相入殿若仗在紫宸內閣則夾

香案分立殿下直第二螭首

張洎曰唐置紫宸上一閣

唐含元殿 大明殿

會要大明宮龍朔三年四月二十二日移仗就蓬萊宮新作含元殿長安元年十二月一日改爲大明殿神龍元年二月復爲含元

舊紀龍朔三年十月景

午含元殿前麟趾見十二月庚子詔改來年爲麟德

開元九年四月甲戌上親策試應制舉人於含元殿

天寶八年閏六月丁卯上御含元殿受冊大赦乾元

元年正月庚寅大閱諸軍於含元殿庭上御棲鸞閣

觀之會要作翔鸞閣二年正月己巳朔上御含元殿受冊尊

號廣德元年御含元殿受冊永泰元年正月癸巳朔

大赦改元實錄云御含元殿大曆元年十一月甲子日長至

萬曆十六年

三

三

監生鄭樸刊

上御含元殿下制大赦改元正元元年正月丁酉朔

御含元殿受朝賀大赦改元十九年正月癸丑朔御

元殿受南二月丁亥脩含元殿元和元年正月丁卯

詔朝賀御含元殿受朝賀禮畢御丹鳳樓大赦改元十三年

正月乙酉朔御含元殿受朝賀御丹鳳樓大赦紀

開元二年九月宴京師侍老于含元殿十年正月乙

巳御含元殿宴羣臣賜帛十五年十一月庚子同十

六年十一月丙午亦如之高麗傳總章元年滅高

麗十二月帝坐含元殿數俘于庭會要開元八年

三月親策試應制舉人於含元殿又舊紀九年四月同永泰

二年十一月三日詔以十三日甲子冬至於含元殿受朝賀建中二年正月朔御含元殿四方貢獻列爲庭實會昌二年四月中書門下言含元殿百官就列請宰相兩省官俟扇開拜訖升殿從之 五行志正

元四年正月庚戌朔德宗御含元殿受朝賀含元路寢太朝會之所御也 一李華傳作含元殿賦蕭穎士曰景福之上靈光之下 后妃傳建中元年具册上皇太后尊號帝供張含元殿具袞冕出自左序立東方羣臣在位帝再拜奉册 盧鈞傳宣宗元日大饗含元殿鈞年八十升降如儀嘗吐鴻暢舉朝咨歎



六典丹鳳門內正殿曰含元殿注元正冬至於此聽

朝

詳見大明官

兩京紀含元殿左右有砌道盤上謂之

龍尾道殿陸上高於平地四十餘丈南去丹鳳門四百步 康駢劇談錄含元殿左右立栖鳳翔鸞二閣龍尾道出於閣前殿門去南門五里元會來朝者仰瞻王座如在霄漢 王仁裕曰含元殿前玉階三級

李華賦命鍛石之匠下剗揚之材山祇效靈波神作氣爲桴爲筏羽疊鱗萃亞爲廣庭考正極星剗盤岡以爲趾大階積而三重四墉旣列太階如截其始也星鎚電交於萬堵霜鋸氷解於千尋重檐切霞素

壁留且崇高之制靈丘上盤隣斗極之光輝邇天漢  
之波瀾捧帝坐於三辰銜天街之達騫龍首而張鳳  
翼左翔鸞而右棲鳳翹兩闕而爲翼環阿閣以周墀  
象龍行之曲直去雕幾與金玉紉漢京之文飾紫微  
晨曠彤墀夜明雲薄萬拱風交四榮貯昭訓之崇崇  
隣光範之揭揭其南則丹鳳啓途陰陽睢盱容鼎七  
扃方駕五車望仙闕於巽維建福敞於坤隅其後則  
深闈秘殿曼宇疎楹瑞木交陰元墀砥平古有六寢  
御茲一人今也三朝繇古是因布大命於宣政澹元  
心於紫宸義和弭節於通乾聖舒停景於觀象左黃

閣而右紫微命伊臯以爲長歌之頌之管磬宜之穆  
穆皇居壽考無期

### 唐舍光殿

會要總章元年十二月高麗平獻俘于舍光殿 舊  
紀太和九年八月丁丑幸左軍龍首殿因幸黎園舍  
光殿大合樂

### 唐宣政殿

會要高宗永隆二年正月十日以太子初立欲大會  
羣臣命婦合宴宣政殿 在大明宮舍光殿後卽正衙殿也 太常博士

袁利正上疏曰前殿正殿象闕路門非命婦宴會倡

優進御之所。帝從之。改向麟德殿。 **選舉志** 明皇即

位。厲精為治。張九齡上疏。刺史縣令尤親於民者也。

願少重其選。於是下詔。擇京官有善政者。補刺史。凡

官不歷州縣。不擬臺省。已而悉集。新除縣令。宣政殿

親臨。問以治民之策。而擢其高第者。 開元四年 **鄆**

一擢醴泉令。餘二百人。不入第。且令之官。四十五人。放歸學問。 **儀衛志** 百官入宣

政門。文班自東門入。武班自西門入。 **五行志** 開元

二十八年四月庚辰。慈烏巢宣政殿。 **棋** 辛巳。又巢

**韋縉傳** 初帝詔。歲率公卿迎氣東郊。 開元二十五年至

三時。嘗以孟月。讀時令於正寢。二十六年。詔縉月奏

嘉靖丁巳年 三海 卷之五 三六 監生徐應神刊

時令一篇朔旦於宣政殿側設榻東向置案縮坐讀之諸司官長悉升殿坐聽歲餘罷

**肅宗紀**乾元元

年正月戊寅上皇天帝御宣政殿授皇帝傳國受命

寶符冊二年九月丙寅誕日宴百官于宣政殿

**舊**

**紀**至德二載十二月甲子上皇御宣政殿授上傳國

璽三載正月戊寅上皇御宣政殿冊皇帝尊號乾元

二年九月丁亥上御宣政殿試文經邦國等四科舉

人建中元年十一月辛酉朔朝集使及貢士見於宣

政殿又見朝會類元和三年正月癸巳御宣政殿受徽號

移仗御丹鳳樓大赦三月乙巳御宣政殿試制科舉

大元十四年七月己丑御宣政殿冊尊號升鳳樓  
大赦寶曆三年十二月乙巳文宗即位于宣政殿大  
和三年五月乙酉澧州平糶賀於宣政殿開成元年  
正月辛丑朔御宣政殿大赦改元 李晟傳德宗正

元三年引晟見於宣政殿備無禮拜太尉中書令

會要大曆十四年五月臨軒冊尚父子儀於宣政殿

元和十年三月壬申朔御延英殿召對宰臣故事朔

望日御宣政殿見羣臣朝之大朝元宗始以朔望後

寢薦食不聽政今之見宰臣特以事召也長慶二年

十二月御紫宸殿冊皇太子故事冊太子御宣政殿

時從便也

正元二年

宣政殿

冊四

皇太子

大

中三年

復河

皇追尊順憲蓋至冊日上

御宣政殿授玉冊於太尉

兩京記大明宮含元殿後有宣政殿即正衙殿也

新皇大冊拜則御之

李華賦布大政於宣政澹宸

心於紫宸

唐同明殿

東都

齊

齊訥傳突厥擾河北武后詔訥經略對同明殿

齊

齊

齊傳太子還武后召齊宴同明殿曰朕母子如初卿

有力焉

六典同明殿在東都集賢殿東

唐金華殿

東都

陳子昂傳武后奇其才召見金華殿

唐含樞殿 東都

狄仁傑傳武后時李楷固駱務整討契丹克之獻俘  
含樞殿后舉酒屬仁傑賞其知人

唐億歲殿 東都

崔神慶傳武后時待制億歲殿

元宗開元十

五年閏九月億歲殿生芝草

唐觀風殿

武后傳徙上陽宮帝率百官詣觀風殿問起居  
隋宇文愷造觀風行殿



唐端宸殿東都

會要神龍元年正月二十四日乙亥中宗即位於通  
天宮端宸殿

唐承慶殿 甘露殿

舊紀中宗景龍二年七月癸亥御承慶殿慮囚徒肅  
宗上元元年太上皇居西內甘露殿 實錄景雲二  
年九月丁酉宴吐蕃使於承慶殿 會要大和二年

八月修兩儀殿及甘露殿共一百七十二間 景龍

文館記中宗令諸學士入甘露殿其北壁列書架架  
前有銀硯碧鏤牙管銀函盛紙 六典百福殿之西

曰承慶殿兩儀殿之北曰甘露殿

見太極宮

兩京記百

福殿在太極宮中公主院西承慶殿又在百福殿西

### 唐射殿

禮志射前一日大樂令設宮垂之樂鼓吹令設十二按於射殿之庭

### 唐萬春殿 千秋殿

六典兩儀殿之東曰萬春殿西曰千秋殿

### 唐前殿

紀開元二年七月乙未焚錦繡珠玉千前殿 回紇

傳葉護助破安慶緒肅宗坐前殿召葉護宴且勞之

姚崇傳元宗尊遇崇每見便殿必爲之興去輒臨  
軒以送循吏傳刺史受命日對便殿賜衣物乃遣

唐金鑾殿

李白傳天寶中賀知章言之召見金鑾殿論當世事  
奏頌一篇賜食親爲調羹衛次公傳正元末與鄭  
絪皆召入金鑾殿建議立順宗宦者傳劉正亮惡王  
叔文勸順宗立廣陵王爲太子監國召學士李程王  
涯等至金鑾殿草制議者美其忠陸扈傳天子金  
鑾作賦命學士和扈先成兩京記大明宮紫宸殿  
北曰蓬萊殿其西曰還周殿還周西北曰金鑾殿長

安殿在金鑾殿西南蓬萊殿西龍首山支隴起平地

上有殿名金鑾殿

在蓬萊正西微南

殿旁坡名金鑾坡一翰

林故事

韋執誦

置學士院後又置東學士院於金鑾坡

殿在學士院之左蓋近寢殿

續翰林志

蘇易簡

唐制駕在大內則

明福門內置學士院駕在興慶官則金明門內置院

德宗移院於金鑾坡上

一本亦云德宗召學士對浴堂門又移學士院於金鑾殿

西對御走草賦詩

會要學士院在銀臺門內又置東翰林

院於金鑾殿西

德宗造院金鑾坡上卽坡別建一院開元之院元不廢恐續志誤謂之移

五代會要殿因金鑾坡以爲名與翰林院相接

六典大明宮有金鑾殿

藝文志雜史類韓偓金鑾

密記五卷書目一卷 李白詩著書獨在全鑿殿

拾遺記瀛州南有金鑿之觀中有寶九

唐躍龍殿

舊紀天寶十三載三月丙午御躍龍殿門張樂宴羣

臣

唐長樂殿

紀至德二載十一月庚子作九廟神主告享于長樂

殿

唐興慶殿

舊紀乾元元年二月乙巳上御興慶殿奉土皇徽號

唐浴堂殿

會要正元十二年九月德宗謂裴延齡曰所居浴堂殿一棟將壓念易之未能也延齡請以本分錢治殿數十猶不乏况一棟哉

又木傳

列傳李絳元和中

浴堂北廊奏對

云云

對浴堂殿帝曰比諫官多朋黨

論奏不實皆陷謗訕欲黜其尤者絳曰自古納諫昌拒諫亡雖開納獎勵尚恐不至今乃欲譴呵之使直士杜口非社稷之利也帝曰非卿言我不知諫之益又李吉甫諫鄭細帝坐浴堂殿召學士絳語其故

李吉甫圖上河北險要所在帝張於浴堂門 韋處

厚長慶四年七月於浴堂中諫遊獵及晏起賜銀綵

長安志文宗於浴堂門對鄭注於浴堂殿對學士

在大明宮蓬萊殿東

又別有浴堂院

六典無此殿

元稹承旨廳壁記曰乘輿奉郊廟則承旨得乘廐馬  
自浴殿由內朝以從按內朝者紫宸殿也疑在紫宸

之東

殿在蓬萊殿東卽與紫宸殿相屬

稹詩曰未勘

銀臺契先排浴殿關 館本圖浴殿在綾綺殿南

在蓬萊殿東

唐學士多對浴堂殿李絳之極論中官柳

公權濡紙繼燭皆此地也

唐延和殿 元和殿

見甘露

見武元衡權德輿柳宗元表

唐中和殿

清思殿

宣和殿

敬宗紀長慶四年二月丁未擊鞠于中和殿四月丙申擊鞠于清思殿寶曆二年九月甲戌觀百戲于宣和殿

唐會昌殿

實錄文宗太和四年八月戊辰

一云七月庚辰

幸梨園會昌

殿觀新樂大宴樂五年正月乙巳幸會昌殿奏樂

唐咸泰殿



蕭后傳開成中正月望夜四年正月帝御咸泰殿然

鐙作樂迎三官太后奉觴進壽丁卯夜

玉海卷一百五十九